

Na osnovu člana 7. i 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH" broj: 12/03, 34/03 i 65/13), člana 31. i 39. Statuta Javnog preduzeća „Grijanje“ d.o.o. Zenica i Odluke Nadzornog odbora o utvrđivanju i raspisivanju Javnog konkursa za izbor i imenovanje direktora Javnog preduzeća „Grijanje“ d.o.o. Zenica, broj: 5780/25 od 03.06.2025. godine, Nadzorni odbor Javnog preduzeća „Grijanje“ d.o.o. Zenica, raspisuje:

JAVNI KONKURS za izbor i imenovanje direktora Javnog preduzeća „GRIJANJE“ d.o.o. Zenica

Raspisuje se javni konkurs za izbor i imenovanje direktora Javnog preduzeća „GRIJANJE“ d.o.o. Zenica, na mandatni period od 4 (četiri) godine, s mogućnošću ponovnog imenovanja.

I. Opis pozicije direktora

Direktor Javnog preduzeća „GRIJANJE“ d.o.o. Zenica koji čini Upravu Javnog preduzeća „GRIJANJE“ d.o.o. Zenica nadležan je i odgovoran za:

- organizaciju i vođenje poslovanja Preduzeća,
- izvještavanje Nadzornog odbora na njegov zahtjev,
- provođenje Statuta, Etičkog kodeksa i drugih akata Preduzeća,
- izradu i nadgledanje realizacije planova Preduzeća,
- osiguranje provođenja propisa za postupak javnih nabavki,
- donošenje provedbenih propisa o nabavci kojima će se urediti postupak nabavke u javnom preduzeću u skladu sa važećim propisima o nabavci i dostavljanje Nadzornom odboru na razmatranje njihove usaglašenosti sa važećim propisima o javnoj nabavci,
- nadziranje radnika javnog preduzeća u implementaciji važećih propisa o nabavci, te odredaba provedbenog propisa o nabavci u javnom preduzeću,
- podnošenje izvještaja o nabavci Odboru za reviziju u roku od 15 dana i Nadzornom odboru u roku od 30 dana od dana zaključenja ugovora o nabavci,
- izradu kalkulacija cijena i načinu plaćanja isporučene toplotne energije i drugih usluga,
- zastupanje Preduzeća prema trećim licima,
- pripremanje za Nadzorni odbor prijedloga Pravilnika o radu, njegove izmjene i dopune, odnosno druge opšte akte kojima se regulišu unutrašnja organizacija i sistematizacija radnih mjesta, uz obaveznu prethodnu saglasnost Skupštine preduzeća u pogledu radnih mjesta i broja izvršilaca, stepena stručne spreme i drugih posebnih uslova radnih mjesta,
- pripremanje za Nadzorni odbor prijedloga odluka kojima se regulišu ugovor i plaća direktora i plaće svih radnika u Preduzeću, kao i isplate stimulacija, nagrada i ostalih sporednih neobaveznih naknada, vodeći računa o finansijskim mogućnostima Preduzeća i obavezi stvaranja uslova za ostvarenje pozitivnog poslovnog rezultata,
- periodično izvještavanje Nadzornog odbora o izvršenim isplatama naknada za prekovremeni rad i rad u dane sedmičnog odmora,
- zapošljavanje i otpuštanje radnika u skladu sa postupcima utvrđenim u Pravilnicima, te važećim zakonima,
- pripremu prijedloga o raspodjeli dobiti ili pokriću gubitka,
- staranje i odgovornost za zakonitost rada Preduzeća,
- implementaciju Etičkog kodeksa u Preduzeću,
- obezbjeđenje postupanja svih odgovornih lica u skladu sa Etičkim kodeksom tako što će se protiv lica koja krše navedeni kodeks provesti disciplinski postupak,
- primjenu preporuka Odbora za reviziju,
- osiguranje uslova za rad Odjela za internu reviziju,
- organizaciju i rukovođenje procesom rada i samostalno donošenje odluka,
- utvrđivanje razvojne i poslovne politike,
- zaključivanje ugovora i preduzimanje drugih pravnih radnji, zastupanje Preduzeća pred sudovima i drugim organima i u odnosima prema trećim licima,
- davanje punomoći za zastupanje pred sudovima i drugim organima radnicima Preduzeća,
- za zakonitost rada Preduzeća odgovara Nadzornom odboru i osnivaču,
- obavljanje i drugih poslova neophodnih za nesmetano odvijanje organizacije i vođenje poslovanja Preduzeća.

Kandidati koji apliciraju na poziciju direktora Javnog preduzeća „GRIJANJE“ d.o.o. Zenica moraju ispunjavati opće i posebne uslove.

a) Opći uslovi su:

- da je državljanin Bosne i Hercegovine,
- da je stariji od 18 godina,
- da posjeduje zdravstvenu sposobnost za obavljanje funkcije direktora,
- da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od 3 godine prije dana objavljivanja ovog javnog konkursa,
- da nije pod optužnicom Međunarodnog suda za ratne zločine u bivšoj Jugoslaviji (član IX.1. Ustava Bosne i Hercegovine),
- da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije BiH („Službene novine FBiH“ broj: 12/03, 34/03 i 65/13),
- da nije član organa zakonodavne, izvršne ili sudske vlasti ili savjetnik u smislu Zakona o sukobu interesa (Službene novine FBiH broj 70/08),
- da nema privatni i/ili finansijski interes u Preduzeću,
- da nije osuđivan za krivično djelo i za prekršaj nespojiv sa dužnošću uprave-direktora, pet godina od dana pravosnažnosti presude, isključujući vrijeme zatvorske kazne,
- da nije lice kojem je presudom suda zabranjeno obavljanje aktivnosti u nadležnosti uprave-direktora.

b) Posebni uslovi su:

- VSS-VII stepen stručne spreme, diploma visokog obrazovanja, odnosno završeno visoko obrazovanje prvog, drugog ili trećeg ciklusa Bolonjskog sistema studiranja, tehničkog, pravnog ili ekonomskog smjera,
- najmanje 3 godine radnog iskustva u struci nakon sticanja visoke stručne spreme,
- da ponudi program razvoja preduzeća za period od četiri godine,
- certifikat o završenom usavršavanju izdat od strane nadležnog organa, u skladu sa odredbama Uredbe o usavršavanju predsjednika i članova Nadzornog odbora i uprava privrednih društava sa učešćem državnog kapitala ("Službene novine Federacije BiH", broj: 71/09, 33/10, 23/11, 83/11, 2/13, 80/13, 48/15, 60/16, 88/17 i 19/22),

Ukoliko kandidat ne posjeduje certifikat, dužan je dostaviti izjavu ovjerenu od strane nadležnog organa kojom se obavezuje da će u roku od šest mjeseci od dana imenovanja proći stručno usavršavanje i steći certifikat o završenom usavršavanju, odnosno dostaviti važeće uvjerenje o svom statusu kao kandidatu u postupku usavršavanja, a u skladu sa važećom Uredbom.

II. Potrebni dokumenti

Prijava kandidata treba da sadrži kraću svojeručno potpisanu biografiju, adresu, kontakt telefon i e-mail adresu.

Uz prijavu treba dostaviti sljedeće dokumente (originalne ili ovjerene kopije):

- dokaz o stručnoj spremi,
- dokaz o radnom iskustvu u struci nakon sticanja visoke stručne spreme,
- uvjerenje o državljanstvu BiH, ne starije od 3 (tri) mjeseca ili ovjerena kopija CIPS-ove lične karte,
- program razvoja preduzeća za period od četiri godine,
- certifikat o završenom usavršavanju izdat od strane nadležnog organa, u skladu sa odredbama Uredbe o usavršavanju predsjednika i članova Nadzornog odbora i uprava privrednih društava sa učešćem državnog kapitala ("Službene novine Federacije BiH", broj: 71/09, 33/10, 23/11, 83/11, 2/13, 80/13, 48/15, 60/16, 88/17 i 19/22).

Ukoliko kandidat ne posjeduje certifikat, dužan je dostaviti izjavu ovjerenu od strane nadležnog organa kojom se obavezuje da će u roku od šest mjeseci od dana imenovanja proći stručno usavršavanje i steći certifikat o završenom usavršavanju, odnosno dostaviti važeće uvjerenje o svom statusu kao kandidatu u postupku usavršavanja, a u skladu sa važećom Uredbom (izjava ne smije biti starija od datuma objave konkursa).

- ovjerena izjava o činjenicama nabrojanim u alinejama od 4. do 9. Općih uslova (izjava ne smije biti starija od datuma objave konkursa).

Pored naprijed navedene dokumentacije, kandidat koji bude izabran na poziciju direktora Javnog preduzeća „GRIJANJE“ d.o.o. Zenica dužan je dostaviti i sljedeću dokumentaciju:

- uvjerenje/potvrda da nije osuđivan za krivično djelo i za prekršaj nespojiv sa dužnošću uprave-direktora, pet godina od dana pravosnažnosti presude, isključujući vrijeme zatvorske kazne (ne starije od 3 mjeseca),
- uvjerenje/potvrda da nije lice kojem je presudom suda zabranjeno obavljanje aktivnosti u nadležnosti uprave-direktora, izdato od nadležnog Općinskog suda prema mjestu prebivališta kandidata (ne starije od tri mjeseca).

Podnosioci prijava koji uđu u uži izbor bit će pozvani na intervju.

Kandidat koji bude imenovan za direktora, bit će u obavezi prije stupanja na dužnost dostaviti uvjerenje o radnoj sposobnosti -ljekarsko uvjerenje kojim dokazuje opštu zdravstvenu sposobnost.

Javni konkurs će biti objavljen u „Službenim novinama Federacije BiH“, dnevnom listu „Oslobođenje“, na web stranici Grada Zenice, web stranici Javnog preduzeća „Grijanje“ d.o.o. Zenica i na web stranici JU Služba za zapošljavanje ZDK i ostaje otvoren 15 dana od dana objave u Službenim novinama Federacije BiH.

Prijave sa potrebnom dokumentacijom, dostavljaju se u zatvorenoj koverti, lično u sjedište Preduzeća ili preporučenom poštom, na adresu i sa naznakom:

**Javno preduzeće „GRIJANJE“ d.o.o. Zenica
-Komisija za izbor i imenovanje -
Ul. Bilmišće br. 107,
72 000 ZENICA**

**„Prijava na javni konkurs za izbor i imenovanje direktora Javnog
preduzeća „GRIJANJE“ d.o.o. Zenica- ne otvarati“**

Nepotpune, neuredne i neblagovremene prijave neće se uzeti u razmatranje.
Preduzeće nije obavezno vraćati dokumentaciju dostavljenu uz prijavu.